

Santiburtzioak • Leitza

ITZIAR ALDUNTZIN | IRRATI ESATARIA ETA AURKEZLEA

«Leitzako koadrila gehiagotan ikusi nahiko nuke»

Estibalitz Ortega | LEITZA

Oporretatik iritsi berria zenean hitz egin genuen Itziar Alduntzinekin. Leitzar peto-petoa izan arren, Donostian oso gustura bizi dela aitortu digu. Herriko festetara joateko asmoa dauka aurten ere, blusa beltza jantziko ote duen ez badaki ere, «auskalo amak non gordeko zuen», azpimarratu zigun irribarretsua. Hona festetan zer duen gustukoen 24 urteko kazetariak: «Lagunekin parranda on bat egin eta gero, entzierrotara ondo gosalduta joan».

■ **Leitzan bizi zinen garaien hutsa sentitzen duzu, ala gusturago bizi zara orain Donostian?**

Donostiazale amorratua naiz. Lana dela eta, erosoagoa da hemen bizitzea. Gainera nahiago dut hiria herria baino. Hagitz ezberdina da. Leitzara noanean gustura hartzen dut. Han bizi nintzenez baino gusturago.

■ **Leitzako koadrila mantentzen al duzu?**

Bai, noski, baina oso gutxitan ikusten ditut lagunak. Nahi nukeena baino gutxiagotan ikusi eta hitz egiten dut Leitzako lagunekin.

■ **Kanpoan ibili omen zara oporretan. Jakin al daiteke non?**

Galizian izan naiz hamabost egunez. Ez nuen lekua ezagutzen eta hagitz ongi pasa dut.

■ **Lan handia egin duzu aurreko denboraldian: irratan goizetan eta telebistan gauean aritu zara. Berrindartua itzuli al zara?**

Bai, baina indar gehiago hartuko nuela pentsatzen nuen. Egia esanda, aurreko denboraldian

egurra eman nion gorputzari. Datorren ikasturtean iaz baino mantsoago ibili nahi dut. *Salgai* saioan eta *Sorginen laratza*-n jarraituko dut, baina telebistan, gehienez jota, astean bitan agertuko naiz.

■ **Badaukat lagun min bat izugarri gustuko duena zuen irratsaioa. Hala ere, zera esaten du: nahiko lizuna dela...**

Bai. Egia da kutsu lizun bat daukala. *Salgai* irratsaioak Euskal Herriko gazteen artean euskaraz lizunkeriak esateko aukera eman du. Badirudi euskarazko komunikabideek beti gai eta pertsonaia berdintsuak tratatzen dituztela. Gure saioak zer bait berezia eskaintzea du helburu.

■ **Aldaketarik egongo al da hurrengo denboraldiari begirara?**

Bai, aldaketak izanen dira. Orain arte bezala, Edurne Garmendiak eta biok egingen dugu saioa eta ordutegia ere ez da aldatuko. Bai, ordea, edukiak, bestela bai zeu eta baita entzulea ere nazkatu egiten da.

■ **Telebistan zure buruarekin gustura zaudela ematen du. Egia da ala usteak erdi ustel?**

Ni telebistan oso gustura nago. Irratian lanez gainezka nengoeanean probatu nuen eta, hala ere, hasieratik, oso eroso ibili izan naiz.

■ **Kamerak ez al dizu beldurrik ematen?**

Ez. Platoan oso eroso sentitzen naiz. Kanean kamerarekin ibili beharko banu, ez nintzateke hain gustura ibiliko.

■ **Telebistari esker zure aurpegia ezaguna egin da. Da-**



PABLO S. QUIZA

FESTETAKO GAUZARIK ONENA

«Lagunekin parranda on bat egin, eta gero entzierrotara ondo gosalduta joan»

ANONIMOTASUNA

«Ez naiz damutzen, baina egia da, batzuetan, ez garela jabetzen telebistan egiten dugun lanaz»

mutu izan zara inoiz anonimotasuna nolabait galdu izanaz?

Ez, ez naiz damutzen, baina egia da, batzuetan, ez garela jabetzen telebistan egiten dugun lanaz. Irratian hori zure alde dago, inork ez zaituela ezagutzen.

■ **Inoiz autograforik sinatu al duzu?**

Bai, bai irratian eginiko lanagatik eta baita telebistakoagatik ere, baina gehiegi ere ez. Egia

esanda, ez dut oso gustuko, baina errespetuz eskatuz gero, egiten dut.

■ **Non somatu duzu, gehienbat, ospetsu bihurtu izana: Leitzan ala Donostian?**

Leitza herri ttikia da eta denok elkar ezagutzen dugu. Donostian, edo herritik kanpo zaudenean, eta zauden giroaren arabera gehiago nabaritzen da. Hori bai, gauza bat aitortu beharra dut: orain lehen baino jende gehiagok agurtzen nauela.

■ **Zer egiten duzu lanean ari-tzen ez zarenean?**

Itsaso aldera joatea dut gustuko. Halaber, lagunekin eta mutil-lagunarekin egotea eta taberna kuttunetara joatea ere gogoko dut.



PLASTIFIKATZEAK, ENKUADERNATZEAK,
INPRENTA LANAK, FOTOKOPIAK
Elbarren, 15 - Tel./Faxa: 948 51 01 46 - LEITZA

Prentsa
Testu Liburuak
Opariak

Ondo pasa
festak!

TORREA
TABERNA

Pintxoak,
afariak,...

San Miguel, 1 - 31880 LEITZA
Tel.: 948 61 09 09

GARMENDIA KE.



LEITZA

Ongi pasa festak!!

LEITZELARREA

S.L.

LANDA
INDUSTRIALDEA, 20
LEITZA

Tel./Faxa:
948 51 05 98

ONDO PASA
JAİETAN!



LEITZAKO UDALAK

FESTA ZORIONTSUAK
OPA DIZKIE HERRITARREI